

Imigomo emayelana nokuhlela



Mayelana nemigomo

Isendlalelo

I-SABC ibuyekeza imigomo yebhizinisayo yanje emayelana nokuhlela. Abalaleli kanye nabasebenzi bangabanye babahlanganyeli be-SABC abasisekelo begodu incwajana le yenzelwe ukobana ikhonakalise ikambiso yokuzibandakanya kwabo. Incwajana le inikela ihlathululo eftijazana yalokho okuqakathekileko yemigomo yanje emayelana nokuhlela ngokwendlela yombuzo nependulo kanye nokuqala amanye wamaphuzu wengcoco mayelana nekambiso yokubuyekeza. Amaphuzu wengcoco la akakenzelwa ukukhandela ikulumo-pikiswano kanti-ke iminikelo nanyana iimphakamiso ezimayelana nakho koke okuphathelene nemigomo yamuukelekile.

Imigomo epheleleko emayelana nokuhlela iyatholakala kubunzinzolwazi be-SABC, ku-sabc.co.za, nanyana kwenye nenye i-ofisi ye-SABC.

Isingeniso

Umbuzo: Kubayini i-SABC inemigomo ephathelene nokuhlela?

i-SABC ngokwesiGaba 6(5) somThetho wokuRhatija (njengombana ukhitjelelwe), kufanele ithuthukise imigomo eyenzelwe ukuqinisekisa ukukhambisana nemithetho yokuziphatha ye-ICASA, imibandela yelaisensi yeBhizini, kanye neendingo zomThetho. Imigomo le kufanele ifake hlangana umgomo omayelana nokuhlela iindaba, kanye nemigomo ephathelene namahlelo, okukhambisana nendawo, ifundo, imisebenzi yeenarha mazombe nokutholakala kwayo, ilimi, kanye nezekolo.

Umbuzo: Uyini umqapho womgomo omayelana nokuhlela lo?

Imigomo le yenzelwe ukusiza abasebenzi abahlelako ukobana bakghone ukubonisana ngeendaba ezibudisi ezimayelana nokuhlela kanye nokuthatha iinqunto ukuze kukghone ukwenziva amahlelo afanele bona enziwe kwesinye isikhathi okungilawo amraro, lokha nakutjhejwa ukuziphatha okusezingeni eliphezulu kanye namazinga amayelana nokuhlela. Kuhlekule imigomo inikela ithattha okungilelo abasebenzi be-SABC abathatha iinqunto ngokumunyethwe kilo okuyinto eyenziwako eendaweni zethu.

Umbuzo: Ingabe imigomo le iseberza emisebenzini yemirhatjho nekamabonakude kwaphela na?

Awa, imigomo iphatelene nakho koke okumunyethwe yi-SABC, begodu nemisebenzini yoke eyenzelwa boke abalaleli belizweni loke kanye nebephasini mazombe. Itholakala kiyo yoke imisebenzi kungakhethi bona yenziva emirhatjhweni nanyana kumabonakude, kukhomphyutha, ngokwemilayezo erhunyeziweko (ama-SMS) nanyana ngabomaliledinini, ikhinqizwa mnyango we-SABC nanyana yikhamphani ezijameleko.

Umbuzo: Iqalene nani imiGomo emayelana nokuHlela begodu kubayini?

UmThetho wokuRhatija ka-1999 (njengombana ukhitjelelwe) ufuno i-SABC ithuthukise lokhu okulandelako:

- i. Umgomo omayelana nokuhlela iindaba
- ii. Umgomo wamahlelo
- iii. Umgomo wokumunyethwe kileyondawo
- iv. Umgomo wezefundo
- v. Umgomo wemisebenzi yelizweloke nokungenelela kiyo
- vi. Umgomo welimi kanye
- vii. Nomgomo wezekolo

I-SABC ikhethe ukufaka koke lokhu okungehla emgomeni wayo wanje omayelana nokuhlela. Okhunye godu, kukhona nesinye isigaba esihlathulula iGunya leBhizinisi, elifaka hlangana amaGugu aqakathekileko we-SABC amayelana nokuHlela, iKhowudu emayelana nokuHlela kanye nokudlulisewa phambili okumayelana nokuHlela. Ukwengeza-ke, imigomo emayelana nokuhlela igunyaze iindawo ukobana zithuthukise imigomo eqalene neendaba ezithileko lokha nazivelako, kileliphipiko leendaba kanye neendaba zanje kuthuthukiswe imigomo engeziweko elandelako ephunyeleliswe yiBhodi ye-SABC:

- Imihlahlandlela yemigomo ekusetjenzisweni kwabakhuzeli kanye nabahlaziyi
- Umgomo wokufakwa kokuhlongakala kwabantu bembusweni
- Umgomo wokufaka iinhlangano ngokulinganako ngesikhathi samakhetho welizweloke

Umbuzo: Kubayini iSABC ibuyekeza imigomayo emayelana nokuhlela?

Imigomo emayelana nokuhlela iveza imigomo ekufanele bona inande ibuyekezwa esithubeni. Ukwengeza, njengombana imigomo emayelana nokuhlela kuhlekuhle yethulwa ngomnyaka ka-2004, ibhoduluko lokurhatjha libe namatjhuguluko aqakathekileko athinta indlela iinqunto zalokho okumunyethweko ezithathwa ngayo - lokhu kuba nomphumela omumbi kileyomigomo emayelana nokuhlela begodu ukubuyekeza kufanele kuqinisekise bona imigomo emayelana nokuhlela iyayifaka ituthuko le, lokha nakusanikelwa ibhoduluko elikuvumelako lokhu ukobana abasebenzi bakghone ukuhlangabezana negunya lokuRhatjhela abantu boke.

Imigomo yokuthoma yamambala yabe imiphumela yeengconco nokubonisana okwathatha iinyanga; ukubuyekezwa lokho nakho kuzakulandela leyo kambiso-kodwana kuzakubandakanya khudlwana abasebenzi be-SABC kanye namalunga womphakathi. Ukulalelwa kwemibono yomphakathi kuzakwensiwa kwenye nenye iprovinsi begodu abalaleli bethu nabo bazakufumana ithuba lokuzibandakanya ngokwamahlelo womhatjho, kamabonakude kanye nokusebenzisa ezinye iindela zokuthintana ngeembikiindaba, ezifana namafeyisibhugu kanye nobunzinolwazi be-SABC.

Ilemuko le-SABC ngemigomo yanje emayelana nokuhlela lizakuyeletisa ukubuyekeza njengombana kuzakube kunalokho okufundwako kweminye imirhatjho yomphakathi, inengi layo elinemigomo emayelana nokuhlela nanyana imihlahlandela ekhona.

Ukubuyekeza: Ezinye iindaba ezivamileko zokusebenzisa:

Ngesikhathi lokha nakuthonywa ukubonisanwa ngokubuyekezwa, kwaba khona iimphakamiso ezenziwako mayelana neragelo phambili lokusetjenziswa kwemigomo emayelana nokuhlela ngaphakathi e-SABC. Kilokhu kuyafuneka bona kufakte hlangana imithetjhwanan enqophileko ngaphakathi kwemigomo emayelana nokuhlela ukuqinisekisa bona ilandelwe kuhle begodu yenziswa ngendlela efaneleko kiyo yoke ibhizinisi?

Imali yerhwebo/ukuphikisana nokurhatjhela umphakathi:

Okuyinto ehlukileko mayelana nomhatjho womphakathi, i-SABC ithola ubunengi bengeniso layo lemali emkhakheni werhwebo - kuhlekuhle ngokwemisebenzi yokukhangisa. Lokhu kutjho bona i-SABC iqalene neentjhijilo ezinengi mayelana nomsebenzayo wokwenza lokho okulindelwe ngokwegunya lokurhatjhela umphakathi kanti-ke inengi leentjhijilwezi libetha bunqopha ekuthatheni iinquito mayelana nekambiso yokuhlela.

Imigomo emayelana nokuhlela ayikhulumi litho ngokuphatha ukuphikisana okungabakhona ngesimanga sokusebenzela kokubili igunya lerhwebo kanye nelomphakathi.

- Ingabe zikhona iindela imigomo engenza ngazo lokhu?

Ukuthuthukisa ithekhnoloji:

Abalaleli abaqqakathike khulu abaqqalene nokuthuthukiswa kwethekhnoloji ngokutjho kwemigomo emayelana nokuhlela ngilaba:

- Ukukhuphuka (neragelo phambili lokukhula) kweembikiindaba zehlalakuhe
- Amatjhuguluko abonakalako ukusuka ekurhatjheni ngethungelelwano lewatjhi ukuya ekurhatjheni ngethungelelwano ledijithali.

Amabhlogo, amamayikhrobhlogo okumunyethwe miphakathi kanye nthungelelwano lehlakuhle kuziimbikiindaba zehlalakuhe ezitjheje khulu okumayelana nemigomo yokuhlela begodu nangaphakathi kwalokho, kuneendawo ezine ezifuna itjhejo ngokwendlela yokuhlela.

Ukubuyekeza:

- Ukusetjenziswa kweendawo zeembikiindaba zehlalakuhe njengemithombo yewazi, khulukhulu ebhodulukweni leendaba.

Le yindaba engatjhejwa khudlwana ephikweni leendaba kanye neendaba zanje sigaba semiGomo emayelana nokutlela

- Ukusetjenziswa kwethungelelwano leembikiindaba kuhlalakuhe okwenziwa basebenzi be-SABC ngokuthanda kwabo. Kuzakufuneka bona kuhlukaniswe hlangana nalabo basebenzi okuthi amaphrofayili wabo ahlanganiswe ne-SABC nalabo abangakahlanganiswa nayo.

• Ukusetjenziswa kwamaplatfomu ukuthuthukisa iindawo zabantu abaseqadi kuthungelelwano leembikiindaba kwezelhalakuhe nalo lisafuna ukubuyekezwa

- Ukuphatthwa kwemibiko ebuya kubasebenizi, okufana nemibono ethunyelwako njengale esemakhasini wesitayela samabhlogo ngenzasi.

Njengombana amandla kamabonakude wedijithali obizwa bona yiDigital Terrestrial Television (DTT) asazokuzwakala, kuzakuba nomphumela omkhulu kilokho okutjengiswa ngumabonakude esikhathini esizako. Ukungezeka kwasikhathi esizakuvumela ukurhatjhwा kwamatjhaneli ambalwa, kanye nokuhlolwa kuzakufuneka kwensiwe ukobana kuqalwe bona ingabe itjhifu le izakuba namandla kilemigomo emayelana nokuhlela. Ukuhlonywa okusondeleko kwe-DTT nakho ngikho okufuna bona kubekhona ukubuyekezwa kwemigomo kanye nemithetjhwana okufanele ithathelwe ehloko lokha nakuzokukhulunywa ngemigomo.

Imigomo yanje: Igunya

Umbuzo: Ngimiphi imikghwa eqakathekileko ye-SABC emayelana nokuhlela?

Ukulungana - I-SABC inikela amahlelo kibo boke abantu, kiwo woke amalimi asemithethweni, begodu ithuthukisa ukobana abantu ephasini mazombe bakghone ukungenelala emisebenzinaya.

Ukukhululeka mayelana nokuhlela - I-SABC ilawulwa yiTjhatha ebizwa bona yi- Charter of the Corporation, evikela ububikindaba, ubukghwari kanye nokukhululeka kumahlelo wabasebenzi behlangano, kanye nekululeko yokutjho lokho umuntu akuthandako evikelwe mthethosisekela.

Ukwakha isitjhaba - I-SABC igidingga ubunjalo bobuntu kanye nesiko lama Sewula Afrika elizweni loke, bese inikela izakhamu zayo iwlazi ezilithogako ukuze bazibandakanye ekwakheni idemokhrasi nanyana umbuswethu wentando yenengi.

Ukuhlukana - I-SABC itjengisa amalimi chlukahlukeneko we Sewula Afrika, amasika, amaphrovinci nanyana iimfunda kanye nabantu emahlelwenaya.

Isithunzi somuntu - I-SABC ihlonipha khulu isithunzi sawo woke oma Sewula Afrika iyawatiengisa kiko koke ukuhlukana kwawa, begodu ayisebenzisi ilmi nanyana iinthombe ukutjengisa izinto ezinegandelelo nanyana ibandlululo ngokombala, ngokobulti nangamasiko wama Sewula Afrika.

Ukuziphendulela - ukuze benze imisebenzabo emayelana nokuhlela, abaphathi be-SABC kanye nabasebenzi banesibopho sokuziphendulela eBhodini ye-SABC, okungiyo enikelwe umsebenzi wokujinisekisa bona ihlangano le ikhambisana nalokho okutjhiwo yiTjhatha.

Ubupepenene- I-SABC iqinisekisa bona ikambisolawulo yokuthembeka, yokwenza izinto ngendlela ebonakalako kanye netjhathijhalazi kuba ngikho okulawula zoke izinto zetjhebiswano layo kanye nabomabelwamatijhera, nabahlanganyeli, abathumelipahla kanye nomphakathi.

Umbuzo: Kubayini sifune imikghwa eqakathekileko yokuhlela le?

Imikghwa evezwe kilokho okutjhiwo kumThethosisekelo – kufakwe hlangana ukuthuthukiswa kwelizwe, ukubumbana ukuhlukana, ukungabi nebandlululo, ukungabandlululani ngokobulili, idemokhrasi kanye nesithunzi somuntu – ijamele lezo zinto esikhathini esinengi ama Sewula Afrika evane azithathe njengeziqakathekileko. Zivala isikhala esikhona kwezelopotiki, ukungalingani,

ukuhlukana ngokombala kanye nobulili begodu nalokha sisesesekuthomeni kwephrojekthi yethu yokuthuthukisa ilizwe, lokhu ngilokho okwenza bona sizikhakhazise njengesitjhaba. Mayelana nokurhatjhela umphakathi, yeke, kufanele babumbe iinsekelo zemigomo yabo emayelana nokuhlela.

Ukubuyekeza: imikghwa emayelana nokuhlela

- Ingabe imikghwa le isawufanele umphakathi ngokwehlangothi lokuthuthukisa umbuso?
- Ingabe ikhona eminye imikghwa etjhiyiweko. nange kwenzeka eminye yemikghwa yanje isuswe nanyana okumunyethwe kiyo kutjhugululwe?
- Ukwengeza kilokhu okuvezwre ngehla. kuhona godu nethogeko leenkambisolawulo ukobana zivezwre begodu zibonakale zibe phrakthikhali

Umbuzo: Iyini ikhowudu emayelana nokuhlela?

Ikhowudu emayelana nokuHlela yathuthukiswa yiBhodi ye-SABC ngomnyaka ka-1993 begodu yabuyekezwa ukobana ibumbe ingcenye yemiGomo emayelana nokuHlela yomnyaka ka-2003. Ikhowudu yasuselwa emiKghweni eQakathekileko begodu lokha nayibuyekezwako ngomnyaka ka-2003, yatiheja khudlwana ukuthuthukiswa ngehlangothini lomthetho. iKilokho ekubuyeleleko njenganje iKhownudu emayelana nokuHlela inemithetjhvana elitjhumi nahlanu, ebunane yayo iqalene kuhlekuhle neendaba kanye neendaba zanje.

Esithandathu inemitlolo yoke bese kuthi emibili iqalane khulu namahlelo. Izinto ezitjhejwe kuKhownudu okhunye godu ziqalene neengaba ezifaneleko zemiGomo emayelana nokuHlela.

Umbuzo: Kutjho ukuthini lokhu 'ukudluliselwa phambili'?

Ukululiselwa phambili kumayelana nekambiso yokuzinikela okuthi abasebenzi okungibо abahlelako babonisana khona nabangaphezulu kwabo mayelana nezinye nezinye iinqunto okufanele zithathwe mayelana nokuhlela abanokuzaza ngakho.

Nange kuba khona ubudisi abahlangabezana nabo ngesikhathi semikhqizo yamahlelo begodu/nanyana kulawulo lokuhlela, nanyana umkhqizi wamahlelo nanyana umhleli onikela abantu umsebenzi angabi nesiqiniseko

sokhunye, kufanele bathintane nongaphezulu kwabo oyisuphavayisa ukobana ibayeletile. Ikambiso le yokuzinikela ngokudlulisela phambili iyangezekwa ngokwe-Group Chief Executive Officer, ngokwamandalakhe njenge-editor-in-chief. ISABC ithatha ukudlulisela phambili njengento ethuthukisako, ekhuthazako begodu kuyindlela ethuthukisa boke abasebenzi ababandakanyekako. Ayikenzelwa ukususa iinqunto ezimayelana nokuhlela ezenziwa phezulu, kunalokho yenzelwe, lokha nakufunekako, ukugandelela ibumbano leenqunto kanye nokwabelana ngemisebenzi emayelana nokuhlela - khulukhulu lokha nakuqalenwe neenqunto ezibudisi - nokutjengisa ukukhambisana ukusebenza kuhle kwehlangano kanye nokwabasebenzi bayo. Ukudlulisela phambili nakho akuenzelwa ukuliyia ukukhiajiza kanye nokurhatijwa kwezinto eziphikisanako kanye namahlelo akatelelako; kunalokho yenzelwe ukwenza ikomitjhini ngalawo mahlelo lokha nayenza bona ibe sezigeni lemikghwa yokuziphatha ephezulu kanye namazinga wokuhlela aphezulu.

Umbuzo: Ingabe zikhona ezinye izinto okufanele zidluliselwe phezulu?

Kukhona ezinye izinto okuthi nazitjhejwa basebenzi abaqalene nokuhlela, kutlhogeko bona zidluliselwe phezulu. Izinto ezinjalo zizakufaka hlangana ukuhlungwa okuzakwenziwa neenlelesi nanyana nabantu abafunwa mapholisa, nokutjengisa nanyana ukutjengisa abantu ekurhatjhweni okwenzelwa iminqopho yokuzithabisu kusetjenziswe amakhemera afihlekileko. Lokhu kulinani loke lezinto ezilitjhumi nane, ezirhenyiswe kumitlolo yemiGomo emayelana nokuHlela, okufanele nakanjani idluliselwe phezulu.

Ukubuyekeza:Ikhowudu emayelana nokuHlela kanyenokudluliselwa phezulu

- Ingabe kunethogeko lokuqunta bona ukudluliselwa phezulu kugunyazwa ngaphasi kwabuphi ubujamo begodu, nangabe kunjalo, ingabe irhelo njengombana livezwe kumiGomo emayelana namatlolo afaneleko nanyana ingabe kunezinto okufanele zingezelelw nanyana kususwe lokho erhelweni?
- Ingabe kuyinto efaneleko bona i-Group Chief Executive Officer ibe yi-Editor-in-Chief, nangabe akukafaneli ngubani owenza umsebenzi wokuhlela okumunyethweko nokobana lokho kwensiwa njani?

Imigomo yanje: Ukwenza amahlelo

Umbuzo: Khuyini okutlhogwamigomokanyenemithethjhwana elawula lokho okumunyethweko kumahlelo we-SABC?

- Itjhatha
- ImiKghwa ye-SABC eQakathekileko emayelana nokutllela
- Ikhowudu ye-SABC yokuPhrakthisa emayelana nokutllela
- Iguna le-SABC lokukhambisana nomozinga webubulo: Mkighwa yokuziPhatha kubaRhatji elawulwa yi- BCCSA
- Iguna le-SABC lokukhambisana nemibandela kanye nemithetho yelaysensi ye-ICASA

Umbuzo: Ingabe zikhona iinkambisolawulo eziyelelisa ukwenza amahlelo ku- SABC?

Indlela i-SABC eyenza ngayo amahlelo iyelelisa ziinkambisolawulo ezilandelako:

- Amahlelo asekela mimikghwa eqakathekileko ye-SABC emayelana nokuhlela. Lokhu kuba nomthelela emkhiqizweni, nekunikeleni amandla wokwenza kanye nekuuzzeni woke amahlewayo
- I-SABC ithanda ukunikela ilwazi elinengi, ifundo kanye nokuzithabisa ngemihlobo yezinto ezinengi kanye nangemikghwa eminengi, okuzakuthi woke umuntu athi nakabukeleko aneliseke athole lokho okumkarako.
- Njengabarhatjhi abarhatjha elizweni loke kumsebenzi we-SABC ukukhuthaza ituthuko yalokho okuvezwia yiSewula Afrika.

Isiphiwo seSewula Afrika, sisekela isiko leSewula Afrika, begodu sinqophe ukuthuthukisa amahlelo abonakalako kumaSewula Afrika.

- I-SABC inqophe ukuhlanganisa amaphilo wamaSewula Afrika ukuze nawo abe zizakhamu zephasi mazombe, nokuwalethela amahlelo amahle akarisako anikelwa liphasi lokana
- Ngokuqala umlandwethu, nokobana iSewula Afrika iyincenyi ye-Afrika, i-SABC ibona kumsebenzayo ukobana yenze umzamo wokobana ijamele i-Afrika kanye neendatjana ze-Afrika ngendlela efaneleko nehlukeneko
- Ikululeko yokutjho okufunako kuyinto ethandwa begodu esehliziyweni ye-SABC

Umbuzo: Kubayini kufanele bona sinikele abalaleli isiyeleliso esifaneleko mayelana nalokho okumunyethwe mahlelo?

Ukuhlelwa kuhle kanye nesiyeleliso esifaneleko nanyana iseluleko senza bona abantu bakghone ukuthatha iinqunto ezifaneleko ngalokho abafuna ukukubona nokukuzwa. Umukghwa lo awukasuswa emisebenzini emayelana nokuhlela ku-SABC, kodwana ukhwezelela isiko lokuhlonipha mayelana nekululeko yokutjho nanyana yini umuntu afuna ukuyitjho, kanye nelungelo lokuthola nokudlulisa ilwazi.

Umbuzo:Ngiwaphiamatshwayo ahlukaneko esiwasebenzisa njengeeyeleliso?

Indlela yokuziphatha kwabarhatjhi ifuna bona sinikele abalaleli iiyeleliso ezizwakalako ukuze bakghone ukuthatha iinqunto ezifaneleko mayelana nokuthi bafuna ukubona ini nanyana bafuna ukulalela ini; nanyana bangavumela abantwabobo baqale ini nanyana bezwe ini. Lokhu kufaka hlangana iintjengiso zeminyaka yobudala (13, 16, 18), kanye namatshwayo wokumunyethweko - ukulwa (V), ukuvezwa tjhatjhalazi kokuphathelene nomseme (S), ukuba bulanzi (N), ilimi elilumelako, kufakwe hlangana ukufunga ngeenhlamba (L); kanye nebandlululo (P).

Umbuzo: Kubayini amahlelo akhulumma ngezinto zabantu abadala arhatjhwa lada nhasele kusebusuku?

Isikhathi esiquntiweko (21:00 - 05:00) kusikhathi lapho kuhlekohle inengi lamamethiriyali wabantu abadala angatjengiswa ngaso kumabonakude. Ngaphambi kwasikhathi esiquntiwekwi, izinto ezingakalungeli ukubonwa bantwana angeze zakhonjiswa. Isikhathi esiquntiweko silawulwa yindlela yokuziphatha kwabaRhatjhi bese kuphi ukuphulwa komthetho khona kutjhejwe yi-BCCSA.

Umbuzo: Ingabe kukhona isikhathi esiquntiweko mayelana nomrhatjho?

Nalokha indlela yokuziphatha kwabaRhatjhi ingavezi kuhle isikhathi esiquntiweko emrhatjhweni, i-SABC ikhambisana nomthetho othi imirhatjho ayirhatjhi izinto ezingakafaneli ukubonwa bantwana ngeenkathi lokha

nakubukele abantu abanengi. Isibonelo, iintetjhi kufanele zilemuke bona abantwana kungenzeka kutholakale bona balalele umrhatjho lokha nabaya nanyana babuya esikolweni.

Umbuzo: Ngenzani nangabe ihlelo linezinto ezilumelako?

Ikhowdu ithi, ilimi elimbi kufakwe hlangana izinto ezilumelako kanye nezinye izinto ezinganazwelo, akukafaneli bona zisetjenziswe emahlelweni enzelwe khulukhulu abantwana. Okhunye godu alikho ilimi elinehlamba okufanele lisetjenziswe ngaphambi kwesikhathi esiquntiweko kumabonakude, nanyana ngeenkhathi lokha inengi labantwana kungalindelwa bona nalo lisaqale nabanye ababukeli.

Umgomo wamahlelo we-SABC uyakuthokozela lokha nanyana izinto ezilumelako seziyingceny yezinto eziponwa ngamalanga nje begodu zisetjenziswa kanengi kumabonakude, lokhu kuba yinto engasi yihle kubabukeli abanengi.

Itshwayo eliyelelisako lika-“L” liyelelisa khulu lokha nakukhona okulumelako, ukuze kwehliswe ukungaphatheki kuhle kwalabo babukeli okungenzeka baphathethe kumbi. Lemihlahlandela elandelako ye- BCCSA nayo kufanele ilandelwe:

- Lokha nakudlala umdlalo nanyana idokhyumenthari ngaphandle kwalokha nangabe kukhona izehlakalo ezsilingako, ukungasetjenziswa kuhle kwebizo likaZimu kungasetjenziswa nasele kudlule isikhathi esiquntiweko kilawomafilim enziwa ngabalingisi nanyana ngabantu abavezwa ngokurhatjhwa, kulawulwe siyeleliso esimayelana nelimi, kanye nombandela ofaneleko weminyaka yobudala.
- Ngesikhathi sokubukela komndeni amagama kufanele asuswe njengombana lokha kungakghoneka. Lokhu okubizwa ngokuthi kulalele abantu abanengi akukavunyelwa.
- Lapha abethuli basebenzisa khona ilimi elinjalo ngendlela enehlamba kubalaleli - nalokha kungemva kwesikhathi esiquntiweko – kusatjho khona bona kutjhayisana nendlela (ikhowdu) yokuziphatha.

Umbuzo: Uthini umgomo ngendimethu mayelana nokusetjenziswa kwelimi emahlelweni?

Umrhatjho womphakathi umthombo oqakathekileko welwazi kanye nesiko, begodu ungaba nomthelela kumazinga kanye nemikghwa ngokwendlela

osebenzisa ngayo ilimi. Yeke i-SABC kufanele iyelele bona izinga layo lokuthembekalihlaliphezulumayelananokusetjenziswakwelimi..lmihlahlandlela ingalindlela elandelako:

- Kungasetjenziswa ilimi ngokomukghalo wokuthukwa
- Kungathonywa kusetjenziswe izinto ezilumelako kungathogeki.
- Kungasuswa ukusetjenziswa kwelimi elimbi kumahlelo, kodwana livunyelwe kwaphela nangabe linokuvikelwa ngokwalokho elikutjhoko begodu nangendlela ethembekileko.
- Ukobana ukusetjenziswa kwelimi kufanele kuyelete khulu izwelo leenkolo zabantu.

Umbuzo: Uyini umgommo we-SABC ngebandlululo elimayelana nokuphila nokukhubazeka?

I-SABC iyabona esikhathini esinengi bona iinqhema zabantu abaphila nokukhubazeka esikhathini esinengi bazibona badinywe amathuba, begodu lokho kumsebenzi womrhatjho womphakathi ukuthuthukisa ukobana iinqhemezi nazo zifikelele kumisebenzayo kanye nemahlelwenayo begodu nokuqinisekisa bona ukujameleka kwabantu abaphila nokukhubazeka emahlelwenethu kwenziwangendlela efaneleko. Yeke, i-SABC ibaphatha kuhle abantu abaphila nokukhubazeka kumahlelo wayo, begodu siyazibophelela ekutheni sitjengise iindaba zokuphila nokukhubazeka ngendlela efanelekoi begodu engababandlululiko labo abaphila nokukhubazeka. Okhunye godu siyazibophelela ekutholeni iindlela ezinengi zokwenza ngcono imisebenzethu kilabo bantu abaphila nokukhubazeka. Lapha kukghoneka khona, siyazama ukubandakanyaabantu abaphila nokukhubazeka kilokho esizama ukukusungula.

Umbuzo: Yenzani i-SABC mayelana nokwenza bona kungabi khona inturhu eqaliswe kibomma?

Imigomo ye-SABC emayelana nokuhlela kuhlekuhle, iveza bona lokho okumunyethwe mahlelwayo, lokha nakuhlolwa ngalokho okukutjhoko, akukhuthazi nanyana akuthuthukisi inturhu eqaliswe kibomma, iveza bona abomma bababantu abangalwiko begodu ukuthorisa kwehlisa isithunzi sabo begodu kuthathela phasi indimabo kanye neenkhundla emphakathini zithuthukisa ibandlululo kanye nokungalingani ngokobilili kwenza bona kube negandelelo kanye nokubandlululana ngobilili.

Umbuzo: Kuninilaphakuvumelekekhonaukobanakurhatjhwe kutjengiswe izehlakalo zokulwa kumabonakude?

Indlela yokuziphatha iveze kuhle iindingo ezinamandla khulu ezingatjhugulukiko zokobana kungarhatjhwa kuvezwe nini nanyana kungavezwa. Ukwengeza kilokhu, umGomo we-SABC wamaHlelo uveza bona izehlakalo ezitjengisa iinthombe ezitjengisa izipi zingarhatjhwa kwaphela nangabe ziveza ilwazi lezinga eliphezulu nanyana okumunyethweko.

I-SABC inomsebenzi ingasi wokukhakhazisa omunye nomunye umhlobo wokulwa, begodu ingasi wokukuthuthukisa, kanye nokukutjengisa kwaphela lokhu kungasiza khona ekutjengiseni indatjana ukukhumbuza izwelo, ukuletha isizo, nanyana sekube kutjengiswa kwezehlakalo zamambala kwaphela.

Nangabe kuyasetjenziswa, abayeletisi babalaleli baqakathekile. Umngopho we-SABC akusikho ukubona bona kungangani ukulwa okuzakujanyelanwa nakho, kodwana kufuneka izinto ezincani kangangani ukuzuza ukuthembeka okuphela ngaphandle kwesehlakalo esingafunekiko nanyana ukuletha ukuzwana mayelana nokuhlela.

Umbuzo: Ingabe umGomo omayelana nokuhlela uvikela ilungelo lokuthembeka kanye nobuntumba?

Indlela yokuziphatha ifuna iinrhatjhi ze-ilekhthoniki ukobana ikghone ukuba netlhogomelo elikhethekileko kanye nokutjheja eendabeni ezithinta amaphilo wabantu ngasese kanye neemphakamiso zabantu ngasese, kukhunjulwe bona ilungelo lobuntumba lingadlulwa ngilokho ngokomthetho okuthandwa babantu. I-SABC ilindele lomhlobo weenqunto ukobana uthathwe ngokuyeleta imikghwa yehlangano.

Umbuzo: Ngubani othatha isiqunto sokobana abantwana balalela ini nokobana babona ini?

Abarhatjhi angeze bakghona ukudlulisa izinto ezingakalungeli abantwana kwesinye isikhathi lokha inengi labo nakulindelwe bona lingaba khona hlangana nalabo abalaleleko. Ngaphandle kwalokhu, ababelethi banesibopho sokobana kube ngibo abathatha isiqunto salokho abantwana babo abangakubukela kanye nalokho abangeze bakubukela, ikani thina nasikhambisana nesibopho sethu sokumemezelisa iifyelelo ezifaneleko

ezibavumela bona bathathe isiquntwesi.

Umbuzo: Ngizwe bona ukususa okuthileko efilimini akukho emithethweni. Ingabe lokhu kuliqiniso begodu i-SABC ijamelana njani nalokhu?

Ukususa okuthileko njengalokha kwakwenziwa kade, lapha uthola bona lokho okukara imbijana bekuba ngikho okutjhejwako, akusasuswa ngokomThethosisekelo omutja weSewula Afrika lapha okutholakala bona kunemibandela embalwa mayelana nekululeko yokutjho lokho umuntu akufunaka. Ukuze sivumele abalaleli bona bazikhethethele bona, kunyulwa bona kufakwe iiyeletiso emoyeni ukwenzelela bona bakghone ukuthatha iinqunto ezinjalo. Yeke, kuhlala kulilungelo lomunye nomunye umuntu ukobana azicabangele bona ufuna ukubukela ini bese azenzele umthetho wokobana khuyini okungabukelwa bantwana. Umbuzo: Sizitjheja njani iinghonghoyilo ezibuya emphakathini ezimayelana nalokho esikurhatjhako?

linghonghoyilo ezibuya kumalunga womphakathi ezamukelwa yi-SABC begodu ekutholakala bona ziphathelene neendaba zomgom, nanyana ukungakhambisani nendlela yokuziphatha, koke lokhu kutjhejwa yi-ofisi kamPhathi weeNghonghoyilo: iBroadcast Compliance.

Lokha iinghonghoyilo ezifana nalezo nazamukelwa matjhaneli nanyana ziintetjhi, nanyana komunye nomunye umnyango, kufanele zidluliselwe kileyo-ofisi msinyazana. Umgomo we-SABC kuqalana nesinye nesinye isinghonghoyilo esifana naleso. Ipendulo kungenzeka ilungiselelwe ngokucocisana nanyana ithunyelwa msinya kumphathi wetjhaneli/wesitetjhi leso, nanyana ithunyelwa kilowomphathi ofaneleko weendaba ku-SABC. Imisebenzi kuyafuneka bona yamukele iinghonghoyilo ezimayelana nemisebenzi yabo.

Umbuzo: Ingabe i-SABC ilawula lokho okungenzeka kukhangiswe emisebenzinayo?

Iye, njengombana sazi bona i-SABC ikhambisana nemithetho equntwe yi-Advertising Standards Authority of South Africa. Iphiko lokuthengisa nelokuMaketha nalo lisesenelungelo lokwamukela nanyana lokwala imikhangiso engakenzelwa ukuthandwa mphakathi nanyana leyo ephikisana nemComo yayo i-SABC emayelana nokuHlela.

Umbuzo: Ngimiphi imihlahlandlela yebandlululo?

Emahlelwenethu, sithanda ukufaka hlangana izinto ezinganabandlululo ebantwini abaphila nokukhubazeka, abomma, abantu abanzima nabantu abathandana ngobulili obufanako begodu namanye amaSewula Afrika esikhathini esinengi ebekadinywe amathuba ziinrhathji eziqalwa babantu abajayelekleko nanyana abajameleke kancani begodu ngokweendlela zebandlululo. Umgomo we-SABC ungalindlela elandelako: 1. Ukuphatha omunye nomunye umuntu emphakathini ngehlonipho. 2. Ukungaqali abantu ngokwevelaphi yobutjhaba baba, begodu nokubala umbala kwaphela nangabe uyakhambisana nesihloko okukhulunywa ngaso kileyongcoco.

3. Ukubalekela okhunye nokhunye ukwenza iimbonelo ngokuphila nokukhubazeka, ngombana esikhathini esinengi kubonwa njengehlamba nanyana ukutjengisa kuyimbijana, begodu ingasi ukusebenzisa ilimi.

Okungangeza kilokho okutjhiwoko: isib. "ukuba nokukhubazeka eendlebeni" nanyana "ukungezwa kuhle" kufanele kusetjenjiswe, begodu "umuntu onokukhubazeka" kunokuthi "akusisemthethweni" nanyana "isihole". 4. Ukusebenzisa ilimi elingabandlululiko ngokobulili ukuze kubalekelwe ukuba nomlandu, nanyana ukwenza sengathi- ngokubuyelela - bona eminye imisebenzi ikhambisana nobulili bune kwaphela.

Ukubuyekeza: ukwenza amahlelo

- Ingabe lokhu okungehla kusafanele. ingabe zikhona iindawo lapha pheze indlela enomkhawulo nanyana enganawo umkhawulo okufanele ilandelwe?
- Fendaweni ezithileko - ezifana nomgomo omayelana nokulwa kanye nobulili begodu nobulanzi. kuhlekuhle kususwa kuKhawudu yeSewula Afrika. i-Broadcast Complaints Commission of SA Code. Ingabe lokhu kufanele kufakwe hlangana kumgommo begodu kilezondawo lapha zikhona. okuba ngijo into ephambili nange kuba namatjhugululo angenziwa kukhowudu leyo imithetjhwana ebuya kiyo?
- Isigabesi sikhambisana njani mayelana nokwekhomphyutha nanyana eminye imisebenzi engasiyo yendabuko?
- Kilesigaba, kanye neendaba kanye neendaba zanje. kukhona isibopho sokuzuza ukujamela ubulili - yeke, azikho kileembopho ezhilathulula umqondo nanyana ezinikela iiyeliso zokobana kungazuzwa njani.

- Inengi lesigaba sokwenza amahlelo kumayelana nemibandela - nange kwenzeka ijhejo elikhudlwana kilokho okufanele kwensiwe nokobana kufanele kwensiwe njani? a greater focus on what should be done and how it should be done?

Imigomo yanje: iindaba

Umbuzo: Ingabe i-GCEO inalo ilawulo eendabeni kanye nekwenzeni amahlelo?

Indima ka-Editor-in-Chief kungesinye seembopho ezinengi lezo i-GCEO ezenzako begodu akukafaneli bona ihlanganiswe nemisebenzi yeenhloko zemiRhatjho, umabonakude, iindaba, umdlalo kanye nefundo nanyana kwamanye ama-Editha kanye namaTjhaneli begodu nabaPhathi beenTetjhi abaqatjhwe yi-SABC. Umsebenzi ka-GCEO akusikho ukwenza amahlelo wangamalanga nanyana iinqunto ezithathwa endlini yeendaba. Yeke, iBhodi ye-SABC inikela isibopho, begodu yenza bona i-GCEO ibe nesibopho mayelana nokwensiwa kwazo zoke iindawo kanye namanye amahlelo, ewarhatjhako kanye nokwethula kiyo yoke imirhatjho ye-SABC , kumabonakude, ku-inthanede kanye neminye imisebenzi.

Ukubuyekeza: iindaba

- Ingabe lokhu okungehla (kanye neminye imithethjwana) esemigomeni kusafanele begodu kufanele kulungiswe kuphi?
- I-SABC ihatjiwe mayelana nokuthatha ihangothi: ingabe zikhona izinto ezinqaphileko zemigomo ezingasetjenziselwa ukulungisa: lokhu?
- Ngokwendlela yokuhlatjwa bona imibiko ngokwayo iphikelela nokuphikisana. imigomo emayelana nokuhlela ingahlela njani ukuze abasebenzi bafundiswe ukubika bona ngokwabo ngendlela efaneleko?

Imigomo yanje: ilimi

Umbuzo: Siyini isibopho se-SABC mayelana nokurhatjha ngawo woke amalimi asemthethweni?

limbopho eziqakathekileko ngilezi: • Kunikela imihlolo ehlukeneko, enekghono begodu namahlelo asezingeni eliphezulu ngawo woke amalimi ali-11 asemthethweni kiyo yoke imirhatjho kanye nakumabonakude, begodu silwela

nokutjengisa iindingo zelimi lomunye nomunye umphakathi emahlelwenethu

- Sitjheja ukuhlukana kwemisebenzi yemirhatjho elimini ngalinye kilawo ali-11 asemthethweni.
- Ukuphatha woke amalimi asemthethweni ngokulingana emisebenzinethu kamabonakude
- Ukubandakanya ilimi leSewula Afrika lamaTshwayo ekuhatjheni njengendlela yokwenza mahlelo azwiwe nababantu abanokukhubazeka bokungezwa eendlebeni
- Sizame ukufaka hlangana amanye amalimi angasi semthethweni akhulunywa eSewula Afrika, ngokugandelela khulu kumalimi wama- Khoi, amaNama kanye nama- San.

Umbuzo: Senzani ngamalimi angasi semthethweni kanye nelimi lamatshwayo?

I-SABC izibophelela ekunikeleni amahlelo womirhatjho aseqophelweni eliphezulu kumalimi angasi semthethweni eSewula Afrika, khulukhulu ilimi lama Khoi. lamaNama kanye nelamaSan.

I-SABC iragela phambili nokukhulisa amahlelo atlikitliweko, kuthonywe ngeendaba ezikhethiweko kanye neendaba ezenzekako, kanye nezehlakalo zokuqakatheka kwelizwe. Imizamo ekhethekileko yenziwe ukobana kube nabantu abatologa ilimi lamatshwayo lokha amahlelo nakarekhodwako ngaphambi kwabalaleli nababukeleko.

Umbuzo: kutjho ukuthini “ukuphathwa kwamalimi ngokulinganako”?

Ithemu elithi ngokulinganako litjho ngendlela ehle, efaneleko begodu nezwakalako — ingasi ukulingana

—ukuphatha.

Kilokhu, i-SABC inqophe ukurhatjha elinye nelinye ilimi elisemthethweni kumabonakude, lokha nayiqinisekisa bona amahlelo abukelwa babantu ngobunengi babo. Singqophe ukukhibelela imisebenzi kamabonakude wethu welizwe ngokunikela imisebenzi eemfundeni njengombana kufuna umThetho wokuRhatjha (njengombana ukhitjelelw) kulawulwe kutholakala kwelayisensi yemisebenzi enikelwa yi-ICASA kanye nokuhwabaniswa kweemali mayelana nomnqopho lo, okufunwa yiPalamende. Ukulingana kuzuzwa ngokuhlanganisa kwezinto, kufakwe hlangana ukukhiajzwa kwezinto ngazinye kanye namahlelo

wobulimi-nengi. Sizama ukunabisa ukusetjenziswa kwamathekhnoloji afana nesabthayitilinghi ukuqinisekisa bona amahlelo abukelwa babantu ngobunengi babo. Kxesinye isikhathi umnqopho lo wensiwa ngcono ngokurhatjha ngendlela efanako nanyana ngamalimi azwisiswa babantu abanengi. Lokha lokhu nakwenziwako, i-SABC idlhegana ngokusetjenziswa kwamalimi kxesinye nesinye isiqhema esifanako ukuze kuzuze ngokulingana.

Umbuzo: Iyini indlelethu ngokurhatjha ngobulimi-nengi?

i-SABC iyazi ngendima amahlelo wobulimi-nengi angayidlala ekuthuthukiseni ilwazi nokuzwisa ukuhlukana kwamalimi kanye namasiko. Amahlelo anjalo lokha nakasetjenziswa ngobukghwari, nawo afikelela kubalaleli ngobunengi babo Kuhlekuhle, i-SABC ngokumajadu ikhuthaza ukukhiquzwa kwamahlelo amahle wobulimi-nengi njengendlela yokuthola iminqophayo yokurhatjha amalimi. Amahlelo la wobulimi-nengi ngilawo afaka amanani amanengi welimi elingehla kwelilodwa elisemthethweni.

Umbuzo: Ngimaphi amalimi weSewula Afrika emgomeni athathwa njengalawo adinywe amathuba khulu kunamanye?

YiXiTsonga, iTshiVenda, iSiSwati kanye nesiNdebele ngiwo amalimi athathwa njengalawo adinywe amathuba khulu kunamanye begodu kunomsebenzi ongeziweko eenhlanganweni ezifana ne-SABC ukobana zilungise ukudlezelwa lokhu.

Umbuzo: Ngiziphi izinto eztjhejwako lokha nakuthathwa iinqunto zakobana ilimi ngalinye lithola isikhathi esingangani kumabonakude?

Nakuvunyelanwa ngesikhathi esinikelwako elimini ngalinye, i-SABC itjheja lokhu:

- Ukuqala inengi lenani labantu abakhuluma ilimi lekhaya kileyondawo ekhavarwa yitjhaneli
- Ukusabalala kwelimi kileyondawo
- indlela leyo amalunga womphakathi okhuluma ilimelo bona akghona kangangani ukuzwisa amanye amalimi.
- Indlela yokobana ilimi lidinywe amathuba kangangani

- Indlela yokobana ilimelo alizwisa kangangani amaSewula Afrika
- Imithombo ekhona.

Ukubuyekeza: Ilimi

- Ingabe lokhu okungehla kumigomo (anye neminye imithethjwana) kusafanele nokobana kungakhibelelwu kuphi?
- Ukuzibophelela ekulungiseni izinto egade zingalingani esikhathini esidlulileko begodu ngaphandle kokuyelela bona ukwabiwa kwemithombo nakho kufanele kutjheje lokhu,kodwana akweqeli ngale kwalokho; nakungenze ka imigomo yokuhlela ifake hlangana lokhu isibopho esinjalo, nangabe bayakwenza lokho, kufanele kuvezwe kuhle ukobana kutjengise bona ukulingani kwasikhathi esidlulilekwi kungalungiswa njani.
- Ngijiphi indawo okufanele ithathwe yi-SABC mayelana nokuthuthuka kwelimi? Ingabe kuyinto ehle ukobana kusetjenziswa ilimi lesirhumutjha emahlelweni nanyana kufanele i-SABC ikwenze kube msebenzayo ukuba ngumelusi welimi, nakunjalo ikumeda njani ukuhlwengeka kwelimi?
- Nange kwenzeka i-SABC izithathe njengomelusi welimi, ikumeda njani ukuhlwengeka kwelimi? Esewula Afrika kunamalimi ali-11 asemthethweni, awoke njalo anamalimi weengodi, ngikuphi okuzakusetjenziswa ukuqunta bona ngiliphi ilimi lesigodi elihlwengekileko?

Imigomo yanje: Imisebenzi yephasi mazombe

Umbuzo: Sitjhaba esingangani samaSewula Afrika esikhavarwa matjhaneli kamabonakude amathathu we-SABC na?

Njenganje ukukhvara kungalindlela elandelako: SABC1 - 89% SABC2 - 91% SABC3 - 77%

ImiGomo yanje: Okumunyethweko okusetjenziswa kileyondawo

Umbuzo: Ngiziphi indawo ezintathu lokho okumunyethweko okusetjenziswa kileyondawo okuquntwe yi-HCASA?

Okumunyethweko ephasini mazombe okusetjenziswa kileyondawo okudzujulwa mayelana netjhaneli kamabonakude ngayinye. Lokhu kutjengisa

bona amaphesende wesikhathi sokuya emoyeni hlangana nesikhathi sika-05:00 ne-23:00 kufanele sinikelwe okumunyethweko kileyondawo. Amakhowuthasi wenarha mazombe ahlukanisa hlangana namarhwebo kamabonakude kanye nalayo womphakathi • Amakhowuthasi wemihlobo yamahlelo . Lokhu kutjengisa bona nangabe itjhaneli kamabonakude iphethe omunye umhlobo wehlelo (ofana nomdlalo) iphesende lalowomhlobo wehlelo kufanele lifakwe kilokho okumunyethweko kileyondawo. Imihlobo yamahlelo ihlathululwa emthetjhwaneni 3 we-ICASA bese uba nesikhathi kilemihlobo yeendawo ezisithandathu ezilandelako: umdlalo, ukwakha ilwazi ngokungakahleki, ifundo yabantwana, amadokhyumenthari kanye neendawo zanje. Kwenye nenyе kukhona ubuncani bamaphesende obuquantiweko. Amakhowuthasi la nawo ahlukanisa hlangana namarhwebo kamabonakude kanye nalayo womphakathi • amakhowuthasi azijameleko wemihiqizo. Iapha-ke okutjengiswako kukobana iphesende lenani lemali lokumunyethweko kwaleyondawo okuya emoyeni kufanele imalakhona ifakwe kumikhiqizo kamabonakude ezijameleko. Amakhowuthasi la akahlukanisi hlangana namarhwebo kamabonakude kanye nalayo womphakathi. Woke amakhowuthasi atlolle kuhle emithetjhwaneni okungenzeka ibuyekezwe yi-ICASA qobe minyaka emithathu.

Ukubuyekeza: Okumunyethweko kileyondawo

- Ingabe lokhu okungehla kumigomo (kanye neminye imithetjhwanu) kusafanele nokobana kungakhibeletwa kuphi?
- Imigomo ibophelela i-SABC ukobana ithuthukise okumunyethweko okungokwendabuko: siqalana njani nalokho?
- Ingabe i-SABC inazo iimbopho zokumunyethweko kileyondawo kungaqalwu imisebenzi yamalayisensi - nangabe kurjalo ingabe zitjengiswe emiGomeni emayelana nokutllela?
- Ngaphambilini kilomtlolo. indaba yokuphathwa kuhle kobungako bokulandelana kokumunyethweko ukuze kwenzive lokho okuligunya lokurhatjhela umphakathi kwavezwa njengesiphakamiso okufanele sitjhejwe - le kungaba yindawo efaneleko yokwenza lokho.

Imigomo yanje: Ukurhatjha zeKolo

Umbuzo: Iethayima yamahlelo wekolo ibekwe bunjani?

Ekufakweni kwe-ethayima eenqhemeni zekolo, i-SABC izibophelela ekambiswenilawulo yokwenza izinto kuhle begodu isebeenzisa ikambisolawulo le ekuqntenii isikhathi esibekelwe isiqhema ngasinye.

Ukwebiwa lokhu kwenziwa kathathu ngonyaka, ngemva kokubonisana nePhaneli eRhatjha zeKolo, i-Religious Broadcasting Panel (i-RPB), kuyeelwe lokhu okulandelako:

- idatha kumaphesende wesitjhaba kusiqhema sekolo ngasinye, njengombana kulilwazi elivezwe kumasensasi warva nje.
- Isidingo sokobana isiqhema ngasinye esikhulu sekolo kufanele sitjengiswe emahlelweni wekolo
- Isidingo samahlelo aneleko wemihlobo yeenkolo ezihlukeneko
- Isidingo sokulungisa lokho ebekungenziwa ngendlela efanako nakurhatjhwra zekolo esikhathini esidlulileko

Umbuzo: Kubayini umgomo wamahlelo wekolo utjheje khulu ikolo yama-Afrika?

Ukurhatjha zekolo kufanele kulwele ukufaka okufaneleko, begodu kutjengise ubu-Afrika bethu bamambala. Mayelana nokulungiswa godu kokungatjhejwa kwesiko lama-Afrika emirhatjhwani yomphakathi, kufanele kutjhejwe khulu iKolo yama-Afrika kanye namasiko wendabuko.

Ukubuyekeza: Ukurhatjha zekolo

- Ingabe lokhu okungehla kumigomo (kanye neminye imithethjwana) kusafanele nokobana kungakhibelwelwa kuphi?
- Imigomo yekolo inikela ilawulo lokuhlela amahlelo wokuzindla ngaphandle kwe-SABC. Umgomo uvumela ukuhlonya kwePhaneli yokuRhatjha zeKolo. ezakubika kuBhodi, ihlathulula ukwabiwa kwesikhathi eenqhemeni ezihlukeneko zekolo begodu ibonisana nemiphakathi yeenkolo. Kokubili lokhu kubonakala kukupheliswa kwelawulo lokuhlela okungilo elibekwe ngaphakathi kwe-SABC begodu kufanele kutjhejwe.
- Indaba ekulu evelileko mayelana nokuRhatjha zeKolo, bekukukuthi nanyana kwensiwe iimphakamiso mayelana nokuqakathika kurhatjha njengokwesifiso sekolo bekuyinto efaneleko.
- Ingabe ukugalwa kweenqhema ezikulu zekolo kuseseyinto efaneleko nokobana kwesinye isikhathi kunjani ukuphathwa kwemahluko hlangana

neenkolo, isib. Shi'ite & Sunni, i-Orthodox kanye nePentecostal?

• Ukubhadalela ukurhatjha nakho kuvezwe njengento emraro ngehlangothini lemisebenzi yokurhatjha zekolo, kodwana imiGomo emayelana nokutilela iyakuvumela - ingabe kuyinto efaneleko?

Imigomo yanje: Zefundo

Umbuzo: Ngiziphi iindawo ezinabileko ezsithandathu lapha i-SABC inikela khona amahlelo wezefundo kiyo yoke imisebenzayo?

Ngokususelwa kumThetho wokuRhatjha, i-SABC iqale leendawo zamahlelo wezefundo alandelako:

- Ukuthuthukissa umntwana nakasesemncani • Abantwana emakhaya • Ifundo ehlelekileko • Ukuthuthukisa abantu abatjha • Ukuthuthukisa abantu abadala kanye nomthombo wabantu • Ifundo yomphakathi

Umbuzo: Khuyini okuqakathekileko okwenzelwa iindingo zefundo?

I-SABC ijinisekisa bona amahlelwayo wezefundo alungisa koke egade kungenziwa kuhle esikhathini somlando wakade ekunikeleni, khulukhulu zefundo, kodwana kungatjhiya ngaphandle, lokho okudzimelele embalenzi, ubulili kanye nokukhubazeka. I-SABC iħlanganisa ukurhatjha kwayo zefundo neendingo ezinyulwa elizweni loka, ngokusekela ukuzuza kwefundo enzinze kumiphumela, ukufunda okuragela phambili kanye nehlangano yezefundo begodu namalemuko wepilo.

Umbuzo: ingabe umgomo we-SABC wamahlelo wezefundo uyażibophelela efundweni ehlelekileko nanyana kileyo engakahleleki nanyana kikho kokubi?

I- SABC iyazibophelela ekunikeleni amahlelo wezefundo anamaqħinga amatjha wezinga eliphezulu kiyo yoke imirhatjha kanye nemisibenzini kamabonakude, enqophe ekuhlangabezeni ukuhlukana kweendingo zefundo ehlelekileko nengakahleleki zabo boke abalaleli bethu, kufakwe hlangana abantwana, abantu abatjha kanye nabantu abadala.

Ukubuyekeza: amahlelo wezeFund

- Ingabe lokhu okungehla kumigomo (kanye neminye imithetjhwana) kusafanele nokobana kungakhibilelwa kuphi?
- Ifundo ngijo kwaphela ingceny eymigomo eqalene khudlwana namahlelo wabantwana. Yeke, indlela yokwenziwa kweReithian kokuzithabisa begodu lokhu kufanele kwensiwe nebantwini abasesebatja - kwamambala ukunikela kufanele kwensiwe mayelana nemigomo emayelana namahlelo wabantwana.

- Ngingayotholaphi ikhophi yemiGomo emayelana nokuHlela yanje?

Nawufuna ukuthola ikhophi yemiGomo emayelana nokuHlela yanje, sibawa utjhinge ku: www.sabc.co.za/Editorialpolicy (umgomo wokuhlela)

- Ngingalithola njani ilwazi elinengi elimayelana nokubuyekezwa kwemiGomo emayelana nokuHlela?

Nawufuna ilwazi elizeleko thumela i-imayili ku : editorial@sabc.co.za nanyana ubethele umtato kilenomboro (011) 714 9111

- Ngingazithumela kuphi iimphakamiso zami kumiGomo emayelana nokuHlela?

Ungathumela iimphakamiso zakho ngokweendlela ezilandelaka:

I-imayili: editorial@sabc.co.za

Iposo: Editorial Policies

Private Bag X1

Auckland Park

2006

